

RĪUNGĀ TUUMDE

2013, YUUM-SARE

YUUM-SAR RASEM A 9 SEMENNĀ

Yuull 84 la puusgo

□ Tigingā Biibl zāmsgō:

jil zāmsg 17-19 (Min. 30)

□ Wēnnaam tuumdā lekolle:

Biiblā karengō: 1 Zā 1-Ziid (Min. 10)

Nº a 1: Zā 5:1-21 (Min. a 4 bu sēn pa ta woto)

Nº a 2: Bōe la d segd n maand n wilgdē tu d tēra a Zezi yelle?—Luk 1:32, 33; Zā 17:3 (Min. a 5)

Nº a 3: Tūudum hakukā neb wilgda b tuumā pugē tu b tara tēeb hakuk ne a Zezi Kirist—rs s.n. 317 s. a 1 (Min. a 5)

□ Tuumdā tīsgā:

Yuull a 5

Min. 15: Yuumd 2014 Wēnnaam tuumdā lekollā. Diskuur lekollā yel-get sēn segd n wegse. Yāk sagls yuumd 2014 lekollā na-kēndr pugē n wegse. Wilg kēlgdbā tu masā, saam-biig sā n na n weg sāms d sēn paam Biiblā kareng pugē wā tu yaa Biiblā sebr ning la d nan sung kareng, a pa segd n le tik "Toute Écriture" sebrā n sōs ye. Sēn paase, karen-biig N° a 2 bu N° a 3 wā sōsg sā n tika *Comment raisonner sebrā bu Étude perspicace sebrā wall Gūusg Gasgā*, bu a gūus ne sulā sōdgā, tu ra wa sāag bu paoog ye. Sēn na yul n bāng n sōd nana-nana, sull fāa sungrē, b kutdame tu gulsmā kē pugē bilfu. Sagl karen-biisā tu b modg n segend b sōssā sōma. Sagl kēlgdbā tu b mi n zēkd b nus n wilg būmb ning sēn yub noog Biiblā kareng pugē. Sagl-b me tu b tūud *École du ministère* sebrā saglsā b sēn paamdā.

Min. 15: "D sēn tōe n segl sōsg sungr goam to-to tu yu sōma." Sogsg la leoore. Kut tu b mak n wilg d sēn tōe n kāab ned *Biiblā yetame* sebrā to-to. Pipi wā, koe-moondā sungr goam pa na n yu sōma ye. Yiib-n-soabā, a sungr goamā na n yu sōma.

Yuull 60 la puusgo

D sēn tōe n segl sōsg sungr goam to-to tu yu sōma

¹ Ruub yūug sā n noome, kutdame tu f rat-a n dt. Woto me, sungr goam sēn yaa sōma kutdame

1. Bōe yīng tu tar yōod tu d sungr goamā yu sōma?

tu d paam n sōs ne ned Biiblā zugu. Sungr goam toor-toor tōe n yu sōma. La wa ru-noog segl sēn baood tu d reng n tags neerā, sungr goam sēn yaa sōma me baoodame tu d reng n tags la d segl sōma. (Yel. 15:28) Bōe n kūtd tu sōsg sungr goam yu sōma?

2 D gom būmb sēn noom nebā yelle: Tōnd sungr goamā sā n pa kē d kēlgdā, a tōe n kuuga sōsgā. Woto wā, d sā n wa segend n na n yi koe-moonegā, bu d tags d moonegā zīig nebā yelle. Yaa goosneema sēn yaa sōma la b rat bu? Yaa paam tu b zagsā pūsē zīid-n-taarā tall bark n pak-b bu? Bu yaa zabā la b rat tu sa? Naoor wusgo, ned sā n kelg gomde, a mi n datame tu b kō-a sor t'a togs a sēn tagsde. Rē yīnga, yuta sōma tu d pīnd n segl sokr sēn na n kut tu d kēlgdā togs a tagsgo. *Rīungā Tuumd* pugē, b wilgda d sēn tōe n sung sōsg to-to ne nebā. Mak-y sagl-kāens tūubu. Y zak pugē zaabr Biibl zāmsgā sasa me, bu y mi n mak y sēn tōe n sung sōsg ne ned to-to.

3 D tēeg tu nebā minimd yaa toor-toore: Ziis kēere, nebā ratame tu f sā n wa n na n sōs ne-b bu f reng n wilg f waoongā vōore. La ziis sānda, f sā n ta n pa reng n pūs zakā rāmb n sok b keelem, n zoe n sung sōsga, b getame tu f pa nand-b ye. Ziis kēer me, nebā sēn tēed Kiristā kutame tu sōsg sungrē, d tōe n gom Biiblā yelle. (Tūu. 2:14-17) La sā n yaa zīig nebā sēn pa tēed Kiristā wall tūudum yell pūd n pa pak-ba, yuta sōma tu d ra sung Biiblā yell goam ye. Yaa b sā n sak n sōsa ne-do, tu d lebg n na n tu kaag-b la d tōe n gom Biiblā yelle.—Tūu. 17:22-31.

4 D segl d sungr goamā sōma: Segl-y y sungr goamā neere. Naoor wusgo, sungr goam sēn yaa koeeg la vēeneg kutdame tu nebā kēlg-do. D sēn gomd to-to wā me tara yōodo. Segdame tu d gomd ne yēesem. Y nengā sā n pa gānem tu y goamā pugē bu y waoog kēlgdā, tōe n kutame t'a tūlg n kelge. D sā n tū sōs-kāngā saglsā, d sungr goamā na n nooma d moonegā zīig neb tu b kelgd koeegā.—1 Kor. 10:21.

2. Wān to la d tōe n segl sungr goam sēn yaa sōma?
3. Wān to la d tōe n wilg d sungr goamā pugē tu d miime tu nebā minimd yaa toor-toore?
4. Bōe la d tōe n maan tu d sungr goamā yu sōma?

YUUM-SAR RASEM 16 SEMENNĀ

Yuull 116 la puusgo

□ Tīgingā Biibl zāmsgo:

jl zāmsg 20-22 (Min. 30)

□ Wēnnaam tuumdā lekolle:

Biiblā karengō: Wilgri 1-6 (Min. 10)

Nº a 1: Wilgri 3:14-4:8 (Min. a 4 bu sēn pa ta woto)

Nº a 2: Tūudum hakukā neb vuūm wilgdame tu b tūudmā pa ne noor ye -rs s. n. 317 s. a 2 (Min. a 5)

Nº a 3: Bōe ne bōe la a Zezi maan tu yaa mamsg n kō a karen-biisā?—Zā 13:15 (Min. a 5)

□ Tuumdā tīgsga:

Yuull 44

Min. 10: Bōe la tōnd maan-yā? Sōsg ne kēlgdbā, tuumdā yel-get sēn segd n wegse. Wilg yāmb tīgingā neb sēn tōog n puū Riungā kibay Nº 38 seb-vāoogā tu ta zīig ninga. Kos kēlgdbā tu b togs būmb ning sēn yū-b noog b sēn wa n puut nebā seb-vāadā. B sā n tara kibay sēn keng b raood me bu b togse.

Min. 10: Kom-būuse, pēg-y-yā a Zeova. (Yuul 148:12, 13) Bool kom-būus a yiib bu a tāab sēn kōt mak-sōng n soke. Zu-loe-bus la b seg lekollē wā b tēebā yīnga? Wān to la b roagdb la neb a taab sōng-b tu b tōog n mao ne zu-loe-kāense? Bōe n keng b raood tu b tōog n gom b tēebā yelle? B sā n tara kibay bu b togse.

Min. 10: "Zāmaan fāa nin-kāseng sēn ka to sebrā zāmsgo." Sōsg ne kēlgdbā.

Yuull 75 la puusgo

Zāmaan fāa nin-kāseng sēn ka to sebrā zāmsgo

¹ Yuum-vēkr kiuugā rasem a 6 semennā, d na n sūnga "Zāmaan fāa nin-kāseng sēn ka to" sebrā zāmsgo. Seb-kāngā zāmsg na n tēeg-d-la a Zezi Kirist vuūmā la a koe-moonegā yelle, hal tu na n yū tōnd ned kam fāa noogo! La sebrā sēn pa tolg n wōnd seb

a taabā d sēn zoe n zāmsā, yuta sōma tu d gom a zāmsgā sēn na n yū to-to wā yelle.

² Sebrā nens pa tar nimo-ro-rāmb ye. Rē n so tu zāmsgā na-kēndr sēn na n yit Riungā Tuumdā pugē wā na n wilgd sags nins d sēn na n zāmsā. Semen fāa, tōe n yū sags a yiib la d na n zāmse. Sak 35, 111, la 116 wogmame, tu d na n puū sak fāa zīis wusgo. Zāmsgā sasa, karemdā na n deng n karma sakā tōre, tu taoor lūtā sok sogsg nins sēn be baasgē wā. Sā n yaa sak 35, 111, la 116, karemdā na n karma babg ning b sēn na n zāmsā fāa, tu taoor lūtā yaool n sok sogsgā. B pa maan tu sull fāa tar a sokr tu d tōe n yā leoorā be ye. Leoor fāa segd n tika zāmsgā zugu.

³ Sēk sā n beē, b segd n karma verse nins fāa sēn be sakā baasgē wā. B sēn segd n karmā sā n yaa woko, b tōe n puuyame, n kos neb a wān tu b karem tu kēlgdbā yaool n tik rē n leoke. Taoor lūtā sā n pīnd n segl sogsgo, na n sōnga kēlgdbā tu b tōog n leuk n wilg verse nins d sēn karmā sēn sōngd to-to tu d wūm zāmsgā n paase. Sogsgā la leoorā tog n sōnga kēlgdbā tu b tags a Zezi Kirist vuūmā la a koe-moonegā yelle.

⁴ "Zāmaan fāa nin-kāseng sēn ka to" sebrā gomda a Zezi vuūmā yelle, n bilgd yēlā sēn pug taab to-to. D sā n mamsd yēlā sēn yū to-to wā, la b sēn yū zīis ninsā d yamē, na n sōngame tu kibar fāa pa d pu-tēerē. Woto yīnga, gomd-y imaaz-rāmbā yelle, la y tēegd n get kartā sēn be sebrā sungr goam poorā.

⁵ Pipi semennā zāmsgā na n tika sungr goamā. Gom-zu-bil fāa sul toor-toorā kareng poore, taoor lūtā na n soka sogsg a sēn pīnd n segle, tu b yaool n kēng ne gom-zu-bil ning sēn pugdā. Sōs-kāngā na n sōng-d lame tu d rū zāmsgā sēn na n sungr yūvum-vēkr kiuugā tēkā yōodo. Sēn na yū tu zāmsgā naf tīgingā neba, yuta sōma tu ned fāa segl neere. Taoor lūtā me segd n segla b mens sōma sēn na yū tu semen fāa, bu saam-biisā tōog n bāng tōnd Zu-soab la d fāagd a Zezi Kirist sēn yaa zāmaan fāa nin-kāseng sēn ka to wā n paase.

YUUM-SAR RASEM 23 SEMENNĀ

Yuull 127 la puusgo

□ Tīgīngā Biiblā zāmsgō:

jl zāmsg 23-25 (Min. 30)

□ Wēnnaam tuumdā lekolle:

Biiblā karengō: Wilgri 7-14 (Min. 10)

Nº a 1: Wilgri 9:1-21 (Min. a 4 bū sēn pa ta woto)

Nº a 2: Kiris-neb hakukā sēn tōe n maan to-to n wilg tu b mii sāamb reegre—Heb. 13:2 (Min. a 5)

Nº a 3: Tūudum hakukā neb nonga taaba, la b welgd b mens ne dūniyā—rs s.n. 317 s. a 3-4 (Min. a 5)

□ Tuumdā tīgsa:

Yuull 124

Min. 10: Sēb nins d sēn na n kāab nebā yuum-vēkr la wao-fugdg kiisā. Sōsg ne kēlgdbā. Sōs d sēn tōe n kāab sēbā to-to wā zugu, la f kūt tu b maan mak-n-wilg a yiibū.

Min. 20: “D sōng sēn pa sakd-b tao-tao tu d zāms-b *Biiblā yetame* sebrā.” Sogsg la leoore. Kos tu b tik seb-neng a 6 saglsā n maan mak-n-wilg a ye.

Yuull 46 la puusgo

D sōng sēn pa sakd-b tao-tao tu d zāms-b *Biiblā yetame* sebrā

¹ Ned sā n dat n lebg a Zeova Kaset soaba, a segd n bānga Biiblā. La neb kēer sēn pa tēed Kiristā, b pa sak n deeg tu Biiblā yaa Wēnnaam Gomd ye. Sānda pa tēed baa bilf tu Wēnd beeme, n pa nand Biiblā me ye. Bōe n sōng neb sēn da pa rat n zāms *Biiblā yetame* sebrā tu b wa sak tu d zāms-ba? Sōs-kāngā sēn kōt sagls ninsā tika tēns na maan 20 koe-moondb goama.

2 Ned sā n yeel t'a pa tēed tu Wēnd beeme ye: Ned sā n yeel t'a pa tēed Wēnde, yuta sōma tu d reng n bao n bāng a sēn pa tēedā vōore. Yaa a sēn tēed evolisiō wā yīng bū? Yaa nebā sēn wēgd taabā wall tūudum kēer neb

1. Bōe yīng tu pa nebā fāa n sakd tao-tao tu d zāms-b *Biiblā yetame* sebrā?

2. Ned sā n yeel t'a pa tēed tu Wēnd beeme, bōe la d segd n bao n bānge, la bōe yīnga?

pūlikā n kut t'a pa le tēed Wēnnaam bū? Rē yīnga a sēn yit tēng ningā, b gūdgome tu ned ra tū Wēnnaam bū? Tōe me t'a pa tēed fasu tu Wēnd kae, la a zu n tags tu tara yōod t'a bao Wēnnaam ye. Koe-moondb wūsg mikame tu b sā n sok a soabā a sā n da tēeda woto hal daar zāra, kūtdame t'a togs a sēn pa tēedā vōore. A sā n wa togsd rē bū y kelg-a la y ra kūvug a goamā ye. D sā n bāng a sēn pa tēedā vōore, d bāngda d sēn na n leok *to-to*, la sebr ning d sēn tog n kō-a.—Yel. 18:13.

³ Y sā n na n leok y kelgdā bū y gūus n da paoog-a ye. Ad Etazīni koe-moond sēn yeele: “D segd n sak n deegame tu ned fāa tara sor n na n tē a sēn date. Wall tu d modg nebā tu b tē d goamā, yuta sōma tu d sok-b sogsg sēn na n kut tu b tags n bāng tu d sēn yet-bā yaa sūda.” Tigims sull yel-get a yembr yeelame tu kelgdā sā n togs a tagsg n sa, a sokd-a-la woto: “Yāmb zoe n tagsame tu b sēn yet ka wā tōe n yū sūd bū?” Rē poore, a wilgd-a-la būmb ning a sēn dat t'a bāngā.

⁴ Naor wūsgo, budist-rāmbā pa tēed tu Wēnd beeme ye. Gārānd Bertayn koe-moondb keer sā n seg nin-kāensā, b wae n tikda *La paix et le bonheur durables : comment les trouver* sebrā n sōs ne-ba. B sā n tuwus sōsgā n sa, b tikda sebrā sak ning gom-zug sēn yaa “*Existe-t-il vraiment un Créateur Très-Haut ?*” wall “*Un guide bénéfique pour tous les humains*” sakā n sōsē. Rē poore, b tōe n goma *Biiblā yetame* sebrā yell n yeel b kelgdā woto: “Yaa sūd tu yāmb pa tēed tu Wēnd beeme ye. La y sā n zāms Biiblā, a saglsā na n naf-y lame.” Etazīni so-pakd sēn moond koeegā sinoa-rāmbā yeela woto: “Tōnd moonegā zīig neb wūsg nonga sēb karengō. Woto kutame tu d sā n kō-b sebr n lebg n na n tu kaag-ba, d mikdame tu b zoe n karm-a-la zānga. La b tōeemē n pa wūmd Biiblā zāmsg sēn dat n yeelg ye. Rē n so tu mam sā n seg-b pipi, m kōt-b-la *Koe-noog* sebrā. Bala, b sēn guls-a to-to wā kutame tu d tōe n tall-a n sōs ne ned nana-nana.” Etazīni tigims sull yel-get a ye sēn kaagd tigims nins sēn gomd sinoaamda yeeleme tu b tōe n wilga sinoa-rāmbā *Biiblā yetame* sebrā pipi segbā. La a paasame tu sēn sāo yaa d sēn na n sung zāmsgā ne sak a 2 wā

3. Wān to la d tōe n wilg tu d pa paoog d kelgdā?
4. Wān to la d tōe n sōng wall budist-rāmbā?

sēn gomd Biiblā yellā. Bala, sak a 1 wā gomda Wēnnaam yelle.

⁵ D sā n dat n sōng ned t'a wa sak n tē tu Wēnd beeme, rukda sēka, tu d segd n tall sū-mare. Tōe tu sungrē wā, d pa na n tōog t'a sak ye. La bilf-bilfā, tōe t'a wa yeel tu wōnda Wēnd beeme, wall a yeel t'a mii būmb ning sēn tōe n kut tu ned wa sak n deeg tu Wēnd beeme wā.

6 Neb nins sēn pa nand Biiblā: Naoor wusgo, nina tōe n sak n deegame tu tōe tu Wēnd beeme, la a pa rat n bāng Biiblā sēn yete, bala, a pa tēed tu yaa Wēnnaam Gomd ye. Tōe t'a sēn vu zīg ningā neb pa tēed Kiristā, t'a getē tu Biiblā yaa kiris-neb sebre. Wall a sēn vu tēng ningā nebā wusg yetame tu b yaa kiris-neb n yaool n pa tūud Kiristā goamā, tu kut t'a tagsdē tu Biiblā sagls ka yōod ne yē ye. Wān to la d tōe n sōng ned a woto t'a wa nand Biiblā n sak meng tu b zāms-a *Biiblā yetame* sebrā?

⁷ Geres filiyallā yeela woto: "D sā n dat n sōng neb nins sēn pa nand Biiblā, sēn yaa sōma n yuū yaa d sēn na n lak-a n karem n wilg-ba. Koe-moondb wusg mikame tu Biiblā koēeg tara pānga, n kēed ned n yuū bāmb mengā goama. (Heb. 4:12) Neb wusg sēn yā Wēnnaam yūvrā Biiblā pugē, yū sabab tu b bao n na n bāng Biiblā n paase." End filiyallā me yeela woto: "Endu-rāmbā nong n bānga vūmā vōore, la ned sēn lebgd būmb ning a kūum

5. D sā n dat n sōng ned sēn pa tēed tu Wēnd beeme, bōe yīng tu d segd n tall sū-mare?

6. Yaa bōe n mi n kut tu neb kēer pa nand Biiblā?

7. Bōe la d tōe n maan n sōng nebā tu b wa nand Biiblā?

Ned sā n yeel t'a pa tēed Wēnnaam, ad y sēn tōe n maane:

- Sok-y-yā-a: "Yāmb da sung n tēeda woto bu?"
- A sā n yaa budist bu y tik *La paix et le bonheur durables : comment les trouver* sebrā neng a 9-12 wā n sōs ne-a.
- Sā n yaa ned sēn tēed evolisiō wā, video la seb-kāensā tōe n sōng-a lame:

Réveillez-vous ! wā sōss nins gom-zug sēn yaa " Hasard ou conception ? " wā. Les merveilles de la création révèlent la gloire de Dieu video wā.

Une vie pleinement satisfaisante : Comment ? sebrā sak a 4; La vie a-t-elle été créée ? wall Cinq questions à se poser sur l'origine de la vie sebrā.

- Sā n yaa wēgbā la namsgā n kut t'a soabā pa tēed Wēnde, seb-kāensā tōe n sōng-a lame:

Ya-t-il un Créateur qui se soucie de vous ? sebrā sak 10.

Wēnnaam sud maanda yuur tōnd yīng bu? sebrā babg a 6 ne *Quel est le but de la vie ? Comment le découvrir ?* sebrā sak a 6.

- A sā n wa sak n deeg tu tōe tu Wēnnaam beeme, bu y sung *Biiblā yetame* sebrā zāmsg ne-a. Yūta sōma tu y sung ne sak a 2 wā, wall sak a to sēn zems ne-a.

Kibay neb sēn togse

■ Ostrali: A John yaa rao sēn karem n zāage. A yāadmē, a ra kēnda egiliiz. La a wa n yik n tēeda ne a sūur fāa tu Wēnd kae ye. So-pakdā n kō-a *La vie a-t-elle été créée ?* sebrā, tu kaagr a wān poore, a kō-a *Cinq questions à se poser sur l'origine de la vie* sebrā. So-pakdā ra ket n kēnd n kōt-a-la periodik-paalā, tu sā n gomd naanegā yelle, wall Biiblā bāngr-goam yell bu a wilgd-a, sēn na yul t'a tulg n bāng koēegā n paase. A sēn wa n mik t'a John sud rat n bāng n paasame wā, a kō-a-la *La Bible : Parole de Dieu*

ou des hommes ? sebrā. A John sēn karem seb-kāngā n sa, a yeelame tu masā, yē pa tēed fasu tu Wēnd kae ye. So-pakdā goma ne a John *Biiblā yetame* sebrā yelle, n wilg-a sull a 8 wā sēn be sebrā neng 20 wā, la sull 13-16 sēn be seb-neng 23-24. Verse nins b sēn karem sul-kāens pugē wā yu a John noog wusgo, hal t'a yeel tu tōe t'a segd n maneg n zāmsa Biiblā.

■ Megsik: Rao n yeel koe-moond tu yē pa tēed tu Biiblā yaa Wēnnaam n kut tu b gulz ye. Koe-moondā kosame n na n wilg-a būmb sēn kut tu d tōe n kus sud tu Biiblā yaa Wēnnaam Gomde.

Ned sā n yeel t'a pa tēed Biiblā, ad y sēn tōe n maane:

- Y tōe n tika *La vie : comment est-elle apparue ? Évolution ou création ?* sebrā sak 17 la sak 18 n sōs ne-a.
- A sā n yaa ēndu bū y tik *Pourquoi adorer Dieu en amour et en vérité ?* sebrā n sōs ne-a.
- A sā n yaa zuuf bū y sōs ne-a *Connaîtrons-nous un jour un monde sans guerre ?* sebrā neng a 3-11.
- Y sā n dat n wilg ned t'a bāng Biiblā sagls tūub yōodo, video la seb-kāensā tōe n sōng-y lame:

Réveillez-vous ! wā sōss nins gom-zug sēn yaa " De l'aide pour les familles " wā.
La Bible : une force dans votre vie
video wā.

Koe-noog sēn yit Wēnnaam nengē!
sebrā zāmsg a 9 ne 11 wā, *Un livre pour tous* sebrā neng 22-26, n paas

Une vie pleinement satisfaisante :
Comment ? sebrā sak a 2.

Y sā n seg budist-rāmbā, *La voie qui mène à la paix et au bonheur* sebrā neng a 3-7 wā tōe n sōng-y lame.

Y sā n seg moeemba, y tōe n tika *La Vraie foi – Le chemin qui mène au Bonheur* sebrā sak a 3 wā n sōse.

Y sā n moonda zīg nebā sēn pa nand Biiblā, yūta sōma tu y ra yāg n wilg tu sagls nins y sēn taasd-bā yita Biiblā pugē ye. Bas-y tu y kaagr a wān poor bū y yaool n wilg-ba.

- Y sā n dat n wilg Biiblā bāngr-goam sēn pids to-to, ad būmb nins sēn tōe n sōng-yā:

La Bible : un récit historique exact, des prophéties dignes de foi video wā.
Un livre pour tous sebrā neng 27-29.

- A soabā sā n wa tar sokr n dat n bāng Biiblā sēn yet rē wēengē bū y sung Biiblā yetame sebrā zug sōsg ne-a.

poorā. Biiblā sēn pūlem tu wakat n wat tu bu-welsg pa na n le zīndā me noom-b lame." Koe-moondbā sā n nong n gomd būmb sēn pak nebā yelle, b paam dame n wilg Wēnnaam Rīungā sēn na n wa ne toeeng ning dūniyā zugā.

⁸ Kiris-neb ne yūvrā manesem sā n kutame tu ned pa nand Biiblā, yūta sōma tu d sōng-a

8. Kiris-neb ne yūvrā manesem kutame tu neb kēer tar tags-kēg Biiblā zugu. Wān to la d tōe n sōng nin-kāense?

B sēn sōs naoor a wān poore, sōsgā kē-a lame. Sēn yū-a noog n yūd yaa Biiblā noyā la a saglsā. Ad a sēn yeel koe-moondā: "Tōnd sēn da wa n sung Biiblā karengā, mam da tagsdame t'a saglsā yaa wa sēb a taabā sagls bala, t'a goamā ra pa kēed-m ye. La masā, d sā n karemā a saglsā, sēn yūd fāa, yel-manesmā wēengē, mam sūrā ningd-m-la taale."

■ **Etazīni:** Saam-biig ne a pag n da yas zāma suk ne tōnd sēbā n moond koegā, tu pag sēn yit Taiwan wa b nengē. A ra tēeda Wēnnaam, la a tagsdame tu Biiblā yaa Erop soolmā neb sabre. A wa b nengē n na n deeg sēbā, bala,

t'a bāng tu nin-kāensā pa tūud Biiblā, la tu b golemda a goamā. Ēnd filiyallā yeela woto: "Sēn na yul n sōng neb kēere, mi n yaa tulae tu d togs-b tu kiris-neb ne yūvrā taoor dāmb pa tūud Biiblā goam ye." Filiyallā paasame tu naoor wusgo, ēndu-rāmbā sā n karem *Quel est le but de la vie ? Comment le découvrir ?* sebrā sak a 4 soabā sēn wilgd tūudmā taoor dāmb sēn bao n na n golem Biiblā goama, la b pūd n mak a menesgā, lingd-b lame. Berzull so-pakd a yembr nong n yeta nebā tu b bao n bāng

baa a nug sēn zāadā, a getame t'a vūmā ka neng ye. Pagā tagsame tu Biiblā tōe n sōng-a lame t'a tōog t'a vūmā tall vōore. Saam-biigā ne a pagā talla *Biiblā yetame* sebrā ne *La paix et le bonheur durables : comment les trouver* sebrā n sung Biiblā zāmsg ne-a. B basa *Biiblā yetame* sebrā sak a 2 wā zāmsgo, n sung *La paix et le bonheur durables* sebrā sak ning gom-zug sēn yaa " *Un guide bénéfique pour tous les humains*" wā. B sēn sōs ne-a pipi sullā n tāag sull a 6, pagā mikame tu Biiblā yaa toor fasu ne tūudum sēb a taaba. Saam-biigā ne a pagā wilg-a-la Biiblā bāngr-goam sēn pidsi. Rē

Kelgdā sā n yeel t'a pa tēed Wēnnaam, y tōe n yeela woto:

- "M tōe n bōos n wilg-y-la būmb ning sēn kūt tu mam wa kūs sūd tu naand n be wā bū?" Rē poor bū y sōs ne-a *Comment raisonner sebrā* neng 72-74. Wall y ruk sek n lebg n tu kō-a sebr y sēn karem tu yu-y noogo.
- "Sā n mikame tu *Wēnnaam beeme*, yāmb nongē lame t'a manesem yu wān ne ādem-biis?" Kelgdb wusg leukdame tu b ratame t'a nong nebā, n nong turlem, n yaa nimbaan-zoeta, la a pa bakd ned ye. Sā n yaa rē bū y lak Biiblā n wilg-a tu *Wēnnaam* yaa woto bal kēpu. (Y tōe n tika *Biiblā yetame* sebrā sak a 1 n sūng sōsg sull a 6 soabā zug n tar n dabda.)

Kelgdā sā n yeel tu yē pa tēed Biiblā, y tōe n yeela woto:

- "Neb wusg me pa tēed Biiblā ye. Kēer yetame tu Biiblā ne siānsā goam pa tūud

Biiblā, la a paas woto: "Neb wusg yāka yam n maan rē. Y sā n sak n na n zāms Biiblā ne tōndo, pa rat n yeel tu y lebga tōnd tūudmā ned ye. Būmb ning y sēn na n bāngā me na n ling-y lame."

9 A Zeova geta ned kam fāa sūuri. (1 Sām. 16:7; Yel. 21:2) A sōngda sū-turs rāmbā tu b wat tūudum hakukā pugē. (Zā 6:44) Nin-kāensā wusg ra zu n paam tu b wilg-b *Wēnnaam* sēn

9. Bōe yīng tu baa neb kēer sā n nan pa rat n bāng Biiblā sēn yetā bū d pa segd n koms raoodo?

poore, a yeel-b-la woto: "Sebr baa a ye kae t'a goamā yaa sūd la kēpu wa Biiblā ye."

■ **Zapō:** Rao n yeel koe-moond sēn taas-a koeegā tu yē pa tēed tu *Wēnd* beeme ye. La ne rē fāa, koe-moondā ra ket n kēnd n kaagd-a lame, n tikd *Réveillez-vous !* wā sōsg ning gom-zug sēn yaa "Hasard ou conception ?" wā n sōsd ne-a koeeg-koeega. Bilf-bilfā, raoā wa n yeelame tu tōe tu naand beeme. Rūndā-rūndā, a sak n deegame tu *Wēnd* beeme. Koe-moondā zāmsd-a-la *Koe-noog sēn yit Wēnnaam nengē!* sebrā.

■ **Kanada:** Pag n da wa n yi a zakē n na n kē a mobilli, tu saam-bi-poak kāab-a periodik-paala.

taaba, wall t'a saglsā tūub yaa toogo. Yāmb zoe n karma Biiblā bū? [Bas-y t'a leoke. Rē poor bū y lak *Un livre pour tous* sebrā neng a 3 wā n wilg-a sungr goamā, la y kō-a sebrā.] Tūudum kēer sēn golemd Biiblā goamā kutame tu wusg pa nand-a ye. Y sā n data, nindaare, d tōe n gesa sebrā neng a 4 ne a 5 wā zīgē n yāk makr a ye n sōs a zugu."

- "Neb wusg me n yet tu b pa tēed Biiblā ye. M tōe n bōos n wilg-y-la būmb m sēn karem Biiblā pugē tu yu-m noog bū? [Karm-y Zoob 26:7 wall Ezai 40:22 wā sēn wilgd tu Biiblā zemsa kēpu ne siāns hakukā.] Biiblā tara sagls me sēn nafd zagsā rāmba. Y sā n data, nindaare, m na n wilg-y-la kēere."
- "Bark y sēn wilg y tagsgā. *Wēnnaam sā n kūt tu b guls sebr ninsaalbā yīnga*, yāmb tagsdame tu sebrā na n goma bōe yelle?" Rē poor bū y wilg a soabā Biiblā goam sēn zems ne a leoora.

yaa a soaba, wall b ra pa mi Biiblā ye. Tōnd koe-moonegā kōt-b-la weer tu b tōe n "paam fāagr la b bāng sēn yaa sūda." (1 Tūm. 2:4) Woto yīnga, baa neb kēer sā n nan pa rat n bāng Biiblā sēn yetā, bū y ra koms raood ye. Y sā n tara sebr a to wall DVD ne yāmb buudā gomde, y tōe n tall-a lame n sōng ned t'a tūlg n kelg koeegā n paase. Tarē-n-tarē, y na n wa tōog n zāms-a-la *Biiblā sūd yetame tu bōe?* sebrā. Yaa seb-kāng la d tar n zāmsd Biiblā ne nebā n yūda.

Saam-bi-poakā wa n kēngame n na n tu kaag-a, t'a yeel vēeneg t'a pa rat n bāng n paase, tu bala yē pa tēed *Wēnnaam* baa bilf ye. La saam-bi-poakā pa koms raood ye. A yāka yam n lebg n na n tu kō pagā *Une vie pleinement satisfaisante : Comment ?* sebrā. A sēn tu mik pagā, a yeel-a lame tu baa ne a sēn yeel yē t'a pa tēed *Wēndā*, a ra ket n tagsda a yelle, a sēn mi t'a wubda a kambā a yembrā. A wilg-a-la sebrā neng a 4 sull a 6. Be, b wilgda zīg ning roagdbā sēn tōe n paam sagls sēn yaa sōma. Rē poore, a kos-a lame t'a karem zāmsg a 2 soabā sēn gomd kambā wubr yellā. Pagā sūur yūl noog t'a sak n deeg sebrā.

YUUM-SAR RASEM 30 SEMENNĀ

Yuull 126 la puusgo

□ Tīgīngā Biibl zāmsgo:

jil zāmsg 26-28 (Min. 30)

□ Wēnnaam tuumdā lekolle:

Biiblā karengo: Wilgri 15-22 (Min. 10)
Wēnnaam tuumdā lekoll lebg-n-gese (Min. 20)

□ Tuumdā tīgsga:

Yuull 43

Min. 10: "Sōng-y-b tu b tēebā tall pānga."

Diskuur. Rē poor bu f kut tu b tik periodik rāmbā n wilgd d sēn tōe n sung Biibl zāmsg ne ned yuum-vēkr kiuug pipi sibrā to-to. Sagl koe-moondbā fāa tu b modg n maan woto.

Min. 10: Sōng-y y biigā t'a lebg koe-moonda. Diskuur sēn tik Organisés sebrā neng 81 sull a 4 n tāag neng 82 sull a 1. Bool roagd sēn kōt mak-sōng t'a biig yaa koe-moond sēn pa reeg lisg n soke. Wān to la a sōng a biigā t'a tōog n lebg koe-moonda?

Min. 10: Tōnd zu n yu d yembr ye. (2 Rīm 6:16) Sōsg ne kēlgdbā sēn tik yuūmd 2013 aniyēerā neng 48 sull a 1-3. Kos kēlgdbā tu b wilg kibarā sēn zāmsd tōnd būmb ninga.

Yuull 119 la puusgo

Sōng-y-b tu b tēebā tall pānga

D sūur yaa noogo, d sēn ne a Zeova sēn ningd koe-moonegā bark to-to wā. Yuūmd fāa, sēn yūd neb tus kos-yi la pis-nu n deegd lisgu. (Tōo. 28:2) Koe-moond sā n zāms ned Biiblā t'a wa reeg lisgu, a tōe n dat n basa nin-kāng zāmsgā masā la a sōng neb a taaba. Sēn nan deeg-a lisgā me tōe n dat n basa zāmsgā n paam sēk n moon koeegā wusgo. La segdame tu Biibl karen-biig fāa kū yēg sūdā pugē. D tog n sōnga d Biibl karen-biisā tu b yu kiris-neb sēn "kū yēga," n 'tar tēeb kān-kāe.' (Kol. 2:6, 7; 2 Tūm. 3:12) Woto yīnga, Biibl karen-biig sā n deeg lisg tu b nan pa zāms-a *Biiblā yetame* sebrā n sa, b segd n zāms-a lame n baase, la b zāms-a "*Wēnnaam nonglmā*" sebrā me.—Ges-y yuūmd 2011 tuul-nif kiuug *Rīungā Tuumde*, seb-neng a 2.

Wēnnaam tuumdā lekoll lebg-n-gese

B na n leoka sogsg nins sēn pugdā Wēnnaam tuumdā lekollē, yuūmd 2013, yuūm-sar kiuugā rasem 30 semennā. B paasa kiuug la semen ning pugē d sēn na n yā sokr fāa leoorā. Woto, y sā n wa segend lekollā sōssā, y bāngda tiir n maan vaeesgo.

1. Bōe n na n sōng tōnd tu d yu sū-bugsem dāmb ne dūniyā pān-soaadba bū taoor-dāmbā? (Tut 3:2) [Supaolg 4, w03-MM 1/4 s.n. 29 sull 18-19]
2. A Poll sēn yeel a Filemo būmb ning tu be Filemo 4, 5 ne a 7 wā zāmsda tōnd bōe? [Supaolg 4, w08-MM 1/10 s.n. 31 sull a 2, 3; w92 15/4 s.n. 25 sull a 2]
3. Bōe la ned tōe n maan n paam n kē Wēnnaam vuūsg daarā pugē? (Heb. 4:9-11) [Supaolg 11, w11-MM 1/7 s.n. 28 sull 16, 17]
4. A Sāmwēll ne no-rēesdb la bu-kaoodb nins sēn kell n sak a Zeova la b 'maan turgā' kōta tōnd yam bugo? (Heb. 11:32, 33) [Supaolg 18, w11 1/1 s.n. 25 sull a 5, 6]
5. Bōe yīng t'a Zak yeel tu "yam ning sēn yit yīngrā deng n yaa sōma la a yaool n bee laaft"? (Zak 3:17) [Supaolg 25, w11-MM 1/8 s.n. 26 sull 15]
6. Kūumsā bū "kū-rāmbā" b sēn moon koe-noogā yaa ānda rāmba? (1 Pte. 4:6) [Yuūm-sar 2, w08-MM 1/11 s.n. 12 sull a 6]
7. Tōog bug la a Zā sēn yeel 1 Zā 2:7, 8 tu yaa 'kūdr' la a leb n yeel t'a yaa 'paalgā'? [Yuūm-sar 9, w08-MM 1/12 s.n. 30 sull a 5]
8. Ānd la "Alfa la Omega" wā, la ānd la "dēenem la yaolmā"? (Wil. 1:8, 17) [Yuūm-sar 16, w09-MM 1/1 s.n. 30 sull a 6]
9. Kiris-neb nins sēn paam vuūsem sōngā zaeebā bānd ningr yaa vuk a yiibu. Wilg-y-yā a vōore. (Wil. 7:3) [Yuūm-sar 23, w07 1/1 s.n. 31 sull a 2]
10. Bōe yīng tu d tōe n kus sūd zāng-zāng tu Wēnnaam Rīungā sā n wa soog tēngā, d na n sūd paama bark nins b sēn kāabā, la d sēn mi rē wā segd n kutame tu d maan bōe? (Wil. 21:5, 6) [Yuūm-sar 30, re s.n. 303 sull a 9]

YUUM-VĒKR RASEM A 6 SEMENNĀ

Yuull 132 la puusgo

□ Tizingā Biibl zāmsgo:

gt sungr goamā (Min. 30)

□ Wēnnaam tuumdā lekolle:

Biiblā karengō: Sungre 1-5 (Min. 10)

Nº a 1: Sungre 4:1-16 (Min. a 4 bu sēn pa ta woto)

Nº a 2: Tūdum hakukā neb moonda koegā, n gomd Wēnnaam Rīungā yell ne yēsem —rs s.n. 317 s. a 5 (Min. a 5)

Nº a 3: A Aarō: Zī-bus wēengē la a yaa mak-ōng kiris-nebā yīnga?—w11-MM 1/7 s.n. 30-32 s. 12-19 (Min. a 5)

□ Tuumdā tīsga:

Yuull 125

Min. 10: D segl d mens n kāab nebā periodik rāmbā yuum-vēkr kiuugā. Sōsg ne kēlgdbā. Rūk minit a yembr bu sēn pa ta rē, n wilg periodik rāmbā pugē sōss a wān sēn tōe n yu nebā noogo. Rē poor bu f kos kēlgdbā tu b tik Gūusg Gasgā gom-zugā sōssā n wilg sokr b sēn tōe n soke, la verse b sēn tōe n karem n yaool n kāab ned sebrā. Leb n kut tu b tik Réveillez-vous! wā gom-zug sōssā n maan woto. Sēk sān bēē bu f yāk sōsg a to n le maan woto. Bool neb tu b mak n wilg d sēn tōe n kāab ned periodik fāa to-to.

Min. 10: Yel sēn pak tizingā.

Min. 10: Yam bug la d tōe n dūk verse kāensā pusē? Sōsg ne kēlgdbā. Kut tu b karem 1 Korēnt dāmb 9:19-23. Kos kēlgdbā tu b wilg verse kāensā sēn tōe n sōng-d koe-moonegā pugē to-to.

Yuull a 7 la puusgo

Koeese

■ **Yuum-sar kiuugā:** D na n kāaba Rīungā kibay Nº 38 seb-vāoogā, Biiblā sūd yetame tu bōe? sebrā wall Yāmb dat n bānga sūdā bl? seb-vāoogā. **Yuum-vēkr la wao-fugdg kiisā:** Y tōe n kāaba Koe-noog sēn yit Wēnnaam nengē! sebrā pa rē bu seb-kāensā sēn tar nens 32 wā a yembre: Kelg-y Wēnnaam wall Kelg-y Wēnnaam n paam n vuumd wakat sēn kōn sa, Yāmb yāa vuum sēn pa satā sor bu?, ne La Bible — Quel est son message ? la y kell n sungr Biibl zāmsgo. **Tuulg la tuul-nif kiisā:** Gūusg Gasgā ne Réveillez-vous ! wā.

■ **Yuumd 2015** wā, a Zezi kūumā tēegr na n yuu arzūma, tuul-nif kiuugā rasem a 3.

Y sēn tōe n yeele:

Y sēn tōe n sungr Biibl zāmsg ne nebā yuum-vēkr kiuug pipi sibrā to-to

“Ned kam fāa tara a tagssg Wēnnaam zugu. Sānda tēedame tu ned pa tol n tōe n bāng a sēn yaa soabā takū ye. Neb a taab me yetame tā yaa d Ba sēn be saasē, la sēn nong-do. La yāmb yē yetame tu bōe?” Bas-y tā leoke. Wilg-y-yā-a yuum-vēkr kiuug pipi daa Gūusg Gasgā yaoolem seb-nengā la y karem pipi sokrā ne leoorā sēn puglā, la verse nins sēn be be wā a ye. Rē poor bu y kāab-a periodik rāmbā, la y rūk sek n lebg n tu leok sokr ning sēn pugdā.

GŪUSG GASGĀ Yuum-vēkre, 1 MOONDA A ZEZO RIUNGĀ

“Tōnd gomda būmb sēn pak ādem-biisā fāa yelle: Yaa kūumā. Rē yīnga y pa sak n deeg tu d zoa wall d roagd sān maan kaalem, zabda wusg sūda? [Bas-y tā leoke.] Biiblā verse kāngā kenga neb wusg raodo. [Karm-y Ezai 25:8.] Seb-kāngā gomda Biiblā sēn pūlem tu wakat n wat tu kūum pa na n le zīndā yelle, la sēn ki-bā me sēn na n vuugā yelle.”

Réveillez-vous!® Yuum-vēkre

“Yāmb sak n deegame tu rūndā-rūndā, zagsā neb maooda ne zu-loees wusg bu? [Bas-y tā leoke.] Biiblā verse kāngā wilgda būmb ning sēn tōe n sōng zagsā rāmb tu b zīnd-n-taarā tall barka. [Karm-y Yelbūn 24:3.] Neb wusg yāame tu Biiblā saglsā sūd yaa sōma, n kōt yam. Seb-kāngā gomda sit wēeb a ye yelle. Yaa sit sēn tar sēb la video-rāmb sēn tik Biiblā zug la sēn sōngd zagsā rāmba, tu y tōe n paam-b zaalem.”

Koe-moonegā kibaya

■ **Tsaad,** yuumd 2013 sig-noy kiuugā rasem 27 wā daare, seb-kāseng n zīnd Pont Carol tēngā, n sāam rot wusgo. A sāama tōnd tēed-n-taas rot na maan 41. Rē n so tu b lugl sull sēn ges tu b lebs n me rot 12, la b maneg n ka rot a 5. B tōogame n maneg rotā fāa semen a tāab seb-kāsengā loogr poore. Woto yuu sabab tu neb wusg bāng tu tōnd sūd yaa kiris-neb hakuk sēn nong taaba.—Zā 13:34, 35.



km13.12MMWa
130911